

明憲宗實錄

卷一三一至一八三
成化十年七月至十四年十月

明憲宗純皇帝實錄卷之一百三十一
成化十年秋七月甲寅朔享太廟○遣內官祭司門之神○
免陝西州縣正官朝覲從巡撫都御史馬文升奏邊報未息餘
糧存跡故也○再賜掌太常寺事禮部左侍郎萬祺誥命故事
文武官誥命有失者不復給祺家所受誥勅為盜所焚乞再給
命符與之○巡撫延綏等處左副都御史余子俊奏臣母老病
無人侍養而蜀道險遠不能就祿乞放歸終養事下吏部言子
俊在延綏方以功進右都御史而延綏連歲被兵供輸困難今
雖稍寧尤當加意撫恤整飭邊備非子俊不可不宜聽其去從
之○免江西南昌等府秋糧八十六萬四千一百七十餘石九
江等衛子粒二萬一千七百八十餘石以旱傷故也○丙辰巡
視江西戶部左侍郎原傑奏邵邑盜息民安乞終毋養詔巡視

事且不允俟秋收畢還京○鎮守陝西蘭縣署都指揮使事劉瑛奏井州中護衛并儀衛司羣牧所原操旗軍三千一百八以邊警不得回衛而肅府追徵子粒物料如舊不減度故乞行本府俾軍餘之不操者供應肅王祿俾亦奏臣封在邊方以輸運艱速止得祿米一千石若非護衛軍餘七種糶採以相資助何以給吉凶日月之費事下兵部行巡撫陝西都御史馬文升等議謂蘭縣要害之地兵備固不可少肅府宗室之親供應亦不可缺宜令劉瑛等簡閱護衛儀衛司等兵分爲三等上等有聽調殺賊二等三者守護城池冬月赴城操練不許辦納供應等物凍閑之日放回屯種仍聽肅府差役供給若遇有警不拘時月赴操聽調并行肅府長史司於在操軍校加意存恤不宜過於科擾以賈怨生事議上允之○丁巳 仁孝文皇后忌辰

奉先殿行祭禮遣駙馬都尉楊偉祭長陵○刑科給事中趙
良以朝參官患病例有印信文移填註門籍或守門者不謹遺
失文移致誤點視奏辯紛紛自今宜別置簿籍庶於稽考爲便
上以門籍常事良何得張大其事調弄浮詞欲治以罪始宥
之○戊午巡撫兩直隸右副都御史畢亨乞致仕詔亨年未衰
老不允致仕○都察院左都御史李賓等奏章後遺失一字自
陳服罪上謂其不謹法當究治始宥之都事劉儉命錦衣衛
執問○己未命榜諭延綏等處所司嚴飭邊備時巡撫都御史
余子俊等奏近奉勅旨令臣等修繕塞垣又區畫屯田等事俱
已完備宜降聖旨榜文諭戒延綏一路營堡又近邊有司每
年四月八月令守備官軍修葺垣牆墩堡增築草場界至時加
巡察敢有越出塞垣耕種及移徙草場界至者俱治以法軍職

降調平肅衛分差操軍民係他處者謫戍榆林衛分本處者謫
戍甘肅衛分庶人知警懼邊備不聚事下兵部覆奏請悉從之
故有是命○庚申雲南總兵官黔國公沐琮奏請如鎮守兩廣
總兵官陳銳事例節制雲南三司奏下兵科參看雲南舊有巡
撫都御史今宜從之兵部覆奏謂沐琮世守雲南與陳銳奉勅
鎮守兩廣事體不同若乞節制事權太重唐之藩鎮可鑒也或
三司推避不理其事宜如兵科言復設巡撫官為便 上曰國
朝建官之制文武相頡頏雖嘗暫勅總兵節制三司乃一時權
宜難以著令兵部議是宜不允巡撫亦不必設○辛酉福建漳
州府大水○壬戌南京大理寺右寺丞崔讓服闋復任○癸亥
撫寧侯朱永奏往年虜酋宇羅忽亂加思蘭久居河套為我邊
患近雖過河累寇大同既知有備却又東行今永平遼東等處

節有警報。慮古北喜峯等口密邇京師。往年虜人未朝。出入於此。熟知道路。恐其糾合。醜類由此入寇。不可不預爲防範。先時簡選精銳官軍十二萬。分爲十二營。今事故外。實有十萬六千五百餘人。內有兩班工作六萬四千餘人。下場牧馬二萬五千餘人。見在營者止一萬七千五百。其工作者勞役已疲。牧馬者是散雜集恐猝然有警。何以調發。且調發軍馬糧草。爲先乞命戶兵二部預爲計畫。庶幾有備無患。事下所司看詳以聞。已而兵部覆奏。未所言工作之數。蓋九因修濬城壕。自去春發四萬人興工。迨今八九月工尚未完。加以他役及牧馬數多。宜令管工官督促竣事。悉還操練。凡有工作之類。不許差遣。庶不致疲敵。以養其銳。氣得旨。修濬城壕亦爲要務。俟工畢。即還操練。若遣官點閱不至者。必罪不宥。○隆慶長公主物奏。求武清縣

草場三百餘頃與之既而又奏乞灤州及玉田豐潤二縣閒地
四千餘頃革下頃天府勅報土家僮誣府官枉勅民又羣啟之
戶部言當別造官廩勅上乃命內官會同御史又戶部官以
往合奏前地多軍民所耕種納稅者惟蘆葦地一千八百七十
頃六十三畝為閒也府官勅有未明民亦無歐土家僮狀

上命以閒地一千頃二十畝賜土餘且留之而宥府官又家僮
罪○乙丑以旱災免山東運司永利等一十二場鹽課本色并
折色共三萬五千四百九十餘引○丙寅設陝西延安府建安
常樂二堡倉慶陽府把都河石澗池三山三堡倉先是都御史
余子俊奏請於延安慶陽二府邊方要處立為五堡屯軍備虜
至是復請置倉以積貯糧草從之○戊辰中元節遣駙馬都尉
王增馬誠分祭長陵 獻陵 景陵 裕陵文武衙門各分

官陪祭○遣內官祭 恭讓章皇后陵寢○己巳荆王妃見滿母
妃魏氏薨妃西城兵馬指揮慶之女正統丁卯封爲世子妃元
順戊寅進封荆王妃至是薨訃聞賜祭葬如制○庚午免山西
大同府所屬應朔二州大同懷仁山陰三縣成化九年夏麥二
萬六千三十餘石以水旱災故也○土魯番遣使臣滿刺馬黑
麻等來朝貢馬駝賜宴并衣服綵段等物有差○鎮守陝西太
監劉祥等奏總督軍務都御史王越病勢漸增乞令回京調治
允之○兵部言巡撫四川都御史夏瑱所奏貴州赤水衛普市
千戶所與四川永寧宣撫司接壤宜聽四川叅將韓忠副使顏
正統治已移文貴州巡撫都御史宋欽劾報爲宜遇有賊警宜
從調發仍行貴州巡撫等官知之不准展轉會議以致誤事詔
可○辛未 太宗文皇帝忌辰 奉先殿行祭禮遣駙馬都尉

王增祭 長陵○戶部定擬延綏葷寧等合開中兩淮等運司
并廣東鹽課司成化七年鹽共九十一萬八千五百六十一
引延綏等合兩淮鹽一十萬引引米四斗豆二斗兩淮鹽一十
萬引引米三斗豆一斗山東鹽五萬引引米一斗五升豆一斗
河東陝西鹽五萬引引米一斗五升豆五升河間長蘆鹽二萬
引引米二斗豆一斗福建鹽五萬引引米一斗三升豆五升廣
東鹽五萬引引米一斗五升豆五升葷寧等合兩淮鹽七萬引
葷寧等處引米四斗豆二斗肅州等處引米三斗豆二斗兩浙
鹽七萬引葷寧等處引米三斗豆一斗肅州等處引米二斗豆
一斗山東鹽四萬引葷寧等處引米一斗五升豆一斗肅州等
處引米一斗二升豆八升河東陝西鹽四萬引葷寧等處引米
一斗五升豆五升肅州等處引米一斗豆五升河間長蘆鹽一

萬引其涼等處引米二斗豆一斗肅州等處引米一斗五升豆
一斗福建鹽三萬引其涼等處引米一斗三升豆五升肅州等
處引米一斗豆三升廣東鹽三萬引其涼等處引米一斗五升
豆五升肅州等處引米一斗豆五升寧夏等谷兩淮鹽五萬引
引米四斗豆二斗兩浙鹽五萬引引米三斗豆一斗山東鹽三
萬引引米一斗五升豆一斗河東陝西鹽三萬引引米一斗五
升豆五升河間長蘆鹽八千五百六十一引引米二斗豆一斗
福建鹽二萬引引米一斗三升豆五升廣東鹽二萬引引米一
斗五升豆五升得旨從之○巡撫其肅右副都御史朱英奏陝
西其肅西寧附近邊方各處山口密通西番往年番人與我軍
民貿易彼此相安近年邊臣多使人劫誘到營折閱物價以騷
易資致使番族銜忿甚至引刀自刎殊失懷柔之道切恐貽患

將米乞降旨榜禁自後番人到境止令部司委官帶人馬圍防接引令與兩平交功違者俱發充軍其委官可同不舉或通同鬻利者具奏執司事下禮部覆從之○壬申漕運把總部指揮孫事高輿以舊帶私鹽革覺其部下多相與治事公劾奏乞留用 上以輿既漕運年久得下人心姑宥之再犯必罪○甲戌遼王豪盛奏嫡長子恩錫病故其繼配馮氏妾曹氏俱無所出宜令殉葬 上曰 先帝上賓預命毋令後宮殉葬可以為萬世法况王府前此亦未嘗有用門者今遼王葬其子乃欲以其婦殉之何其戾抑禮部具移文所司答王勿用殉遷其婦別室死無失所○雲南益養陶孟刁叛慶等朝貢還奏乞遣官伴送事下禮部覆奏宜俯順夷情遣通事一員伴送至雲南而政司從之○丙子陞湖廣布政司右叅議王豫俸二級豫提督太

嶽太和山宮觀九年秩滿本山提點及佃戶言其清慎有守乞陞職仍舊理事下吏部言塚木經考覈補否難遽然陟請依所乞陞俸二級再歷三年通考從之○命故江西都指揮僉事杜榮姪英襲榮原職浙江紹興衛指揮使福建都指揮僉事金昂子璋襲父原職福寧衛指揮使羽林前衛帶俸都指揮同知把充兒子王瑞襲父原職本衛指揮使○巡撫山東左僉都御史牟倬奏濮州人董現房勝等私造兵器偽署官職欲乘饑荒作亂知州謝顯等捕而殺之所獲逆黨十餘人尋皆瘐死惟勝弟故依律擬斬今詳審教初不同謀又未嘗拒捕止因同居連坐情有可矜且饑民無知陷于大惡如依律問擬不無太過上曰民以饑荒欲倡亂有司不能撫治例以常律處死朕甚憫焉同居者既不預謀宜宥其死杖而戍邊已死者家屬財產悉

宥勿藉○丁丑命故左軍都督僉事夏霖子時襲父原職定澄
左衛指揮使○賜方山王鍾進弟四子名奇濤廣昌安信王美
堅已故子鎮國將軍鍾御長子名奇滿○戊寅遼東王受慶奏
嫡長子恩備先封世孫已授一品冠服臣襲王爵之後奏乞進
封世子命未及下而故乞如世子例葬祭事下禮部覆奏

上曰既未受冊封其祭葬禮儀從一品例仍令工部遣官營葬
○命金吾左衛帶俸都指揮僉事張全子璽義勇後衛帶俸都
指揮僉事陶真子英俱代父原職本衛指揮使陝西都指揮同
知傅瑛子釗都指揮僉事彭震子清俱代父原職綏德衛指揮
使○己卯禮部言寧王奠培奏儀賓嚴傑元偉之子靖已選為
石城王女龍泉縣上儀賓弟佩之子龍又選與弋陽王妹定婚
一家叔姪三人俱為儀賓已行所司會勘靖與傑倫序無礙龍

父侃犯罪未結難與爲婚請移文二王府教授各啓王知以後
遇選儀賓務公同長史司又承奉等官會選詳察可否然後啓
王具奏從之○辛巳勅宣府大同居庸關永平山海遼東等處
鎮守總兵等官各嚴兵備虜以邊報虜首亂加思蘭及孛太子
等衆近境也○湖廣岳州有賊殺指揮卜馬翔等又蘄州有賊
亦殺掠人民巡按御史張誥奏捕盜都指揮王貴蘄州指揮李
廣陳濬姚瑜千戶陳斌蘄州知州莊澈不能設策擒捕守備都
指揮陳棗分守叅議劉觀分巡僉事邵宗黃州知府王霽坐視
賊患俱宜遠治其都指揮使王英左布政使今阻工部侍郎杜
銘按察使李敏又鎮守太監王定總兵官都督李震巡撫都御
史吳琛巡按御史王賓皆不奏聞亦宜究治兵部覆上是之
自英以下俱宥其罪○壬午免在京武功中衛并直隸武清等

也 十一衛成化九年子粒一萬五千七百七十石有奇以水災故

明憲宗純皇帝實錄卷之一百三十一

明憲宗純皇帝實錄卷之一百三十二

成化十年八月癸未朔巡撫陝西左副都御史馬文升奏岷州
新獲番賊六十餘人賊復來攻圍城堡平鎮守等官撫定諸番
相機勦捕○降山西左布政使王育為陝西右叅政監察御史
曹卿為直隸邳州判官俱坐奏事不實故也○甲申英國公張
懋等奏五軍營舊教場在德勝門外初以為狹不能容衆而三
十營兵少教場廣闊兩易之後立十二營又以大教場移與圍
營而五軍營暫就錦衣衛教場愈狹而不能容今觀三千營兵
終少宜就錦衣衛教場仍以舊教場遷五軍營為宜得旨允之
○戶部尚書楊鼎等奏自永樂間歲運東南糧四五百萬石輸
之京倉其餘沿河若臨清德州淮安徐州皆置倉收納各倉所
積多至百餘萬石少亦不下五六十萬蓋以兩京缺用俱可轉